

不覽少有目眚筮卦得蒙知疾不可療遂扁其室曰蒙齋洪武間絕意仕進郡守姚善迫欲見之奕乃泛舟入太湖往來煙波自適姚嘆曰韓先生所謂名可聞身不可見者也

明

焦始謨

達士焦始謨謀江陰人也與明太祖爲舊交及帝都南京日思其人屢詔不赴將命使臣索之謀忽荷雞豚村酒由御道入帝喜其來以物付光祿治具其飲甚歡席前出金銀角三帶命其自取以官之謀取其角者因授以千戶無何逕出高橋門挂冠帶於樹間而去

道藏輯要

三丰全集 隱鑑

三

續畢集七

孫太初

逸士孫太初先生一元明初人也風神秀朗踪跡奇幻元巾白袷以鐵笛鶴瓢自隨高風所至士大夫皆爲之傾動嘗棲太白之巔稱太白山人又嘗西入華南入衡東登秦北登醫吾南尋吳會恒棲遲不去與劉麟龍寬陸崑吳玳號蒼溪五隱

王廷珪

逸士王廷珪先生瑛明初常熟人也卜宅於虞山之北蕭溪之上植竹萬竿容與其中其逸興清涼詩懷縹緲人謂如秋月春雲令人景仰

王先生

達士王先生者以忠節隱其名永樂初寓居金華府東陽縣之東山自號大呆子儀容俊偉趣識超羣惟披麻戴笠不服常服日盤桓於山南村落之間狂歌自適其與宴游者皆不識其姓氏惟與王姓俱則以宗兄稱之遂以王先生呼焉嘗與村中人曰他日吾逝只祈斂吾尸懸於林杪足矣時又號玉華山樵張三丰聞而嘆曰此建文遺臣也

徐延之

逸士徐延之先生伯齡自號籜冠子錢塘人也天資敏妙書過目不忘特性情踈蕩不拘小節對客每赤足科頭內衣無繫帶行輒委墮人多笑之士大夫慕名而來者一見後卽倦與往還

道藏輯要

三丰全集

隱鑑

三

續畢集七
六二

王原夫

處士王原夫先生逢饒州樂平人也淹貫經史研精理學朝廷屢召不赴深居崖谷冲和淡然宣德初復以明經召見力辭歸家著言行志諸書學者稱松塢先生

俞古章

逸士俞古章先生杭之富陽人也肥遯邱園名聞湖海宦游於浙者皆欲得賭其眉宇爲快正統間藩臬諸公先後封章薦舉不起親友間有勸之者則爲聾病謝之閒游山澤或對木石而